

DATUA

52 zuzenketa proposamen egin dituzte

Geroa orain izeneko hausnarketaren txostena landu dute UEUren barruan, eta bertan erakundearen etorkizuna baldintzatuko duten hainbat gai jorratu dituzte. Gogoeta txosten horretako hainbat gairekin ez datoz bat bazkide guztiak, eta eurentako batzuk zuzenketak proposatu dituzte. Batzuk onartuak izan dira, baina beste batzuk eztabai-darako geratzen dira. Guztira, 52 dira aztertze dauden zuzenketak. Halaber, guztira 180 izango dira Euskaldunak batuko diren UEUkideak.

jomuga klasikoaren aldekoek euren aldarrikapenak egingo dituzte, eta baliteke bazkideek horien alde egitea. Gainera, zuzenketa proposamenei so eginenez gero, badirudi datorren larunbateko kongresuan UEUren etorkizuna baldintzatu dezaketen gaietan izango dela eztabaidarik handiena.

Horrez gain, euskal unibertsitatearen definizioak eragindako beste puntu batek ere eztabaida eragin dezake; euskal campusak sortzeko ideiak, hain zuzen. Euskaraz biziko diren unibertsitate campusak dira, eta bertan lekua izango lukete «euskaraz bizi, euskaraz ikertu eta euskaraz irakasteko gogoia eta ahalmena duten unibertsitate esparruko era anitzetako erakundeak». Halaber, administrazio publikoen laguntza ere eskatzen dute euskal campusak sortzeko.

Bere titulazio mapa lantzeko asmoa dauka UEUk

UEUk beste aldaketa sakon bat egitea ere proposatu dute *Geroa orain* hausnarketa txostenean: bere titulazio mapa osatzea. Orain arte, horretarako gaitasuna daukaten erakundeekin hitzarmenak lotuz lortu du UEUk eskainitako ikasgaien homologazioa. Horri muzin egin barik, beste jauzi bat emateko sasoia heldu dela deritzo UEUk: unibertsitate nortasuna eskuratzea. Horretarako, bere izaera juridikoan hainbat aldaketa egin beharko ditu, eta Batzar Nagusiak onartuz gero, laster hasiko dira hori lortzeko lanean. Izan ere, UEUk uste du Euskal Herriko unibertsitateek hainbat hutsune dituztela, eta horiek estaltzeko zeregina ere badaukala.

Bestalde, helburu berriei aurre egiteko, erakundearen antolaketa ere hainbat aldaketa egin behar direla uste du UEUk, egitura osatzeko. Hain zuzen, Iparraldean dauden gabeziak konpontzeko asmoz, bertan egitura berezia sortzea proposatu du.

PLAN ESTRATEGIKOA



LUIS JAUREGIALTZO / ARGAZKI PRESS

Iñaki Marko, Xabier Isasi, Ane Sarasua eta Mikel Aizpurua, II. Kongresua aurkeztu zuten egunean.

Plan mardula, helburu handietarako

Bere buruari jarritako helburuak gauzatzeko, norabidea argituko dion helburu estrategikoak zehaztu ditu UEUk. Bost gai hartu ditu ardatz Plan Estrategikoan: giza kapitala, finantzak eta azpiegiturak, garapena, barne prozesuak eta erabiltzaileak.

GIZA KAPITALA

GAITASUNA AREAGOTU. Formazioaren bidez, partaideen gaitasuna areagotzeko eta tekniko-profesionalen sareak eratzeko asmoa dauka UEUk, dituen erronkei aurre egin ahal izateko.

INPLIKAZIOA INDARTU. UEUren egoeraren analisia egiterakoan, giza kapitalaren militantzia ezinbestekotzat hartu dute. Hala ere, militantzia gutxitzen ari denez, giza kapitalaren inplikazioa eta sare lana indartu gura ditu UEUk, batez ere komunikazioaren bitartez.

ONARRI SOZIALAK INDARTU. UEUk onartzen du bere oinarri soziala dela daukan indargune garrantzitsua. Horregatik, oinarri sozial hori indartu gura du, mota askotako bazkideak bere proiektura erakarrit.

BARNE PROZESUAK

EGITURA OPTIMIZATU. Erakundearen analisia egin ostean, ondorioztatu zuten helburu profesioletarako bitarteko ez-profesionalekin egiten duela lan UEUk. Horregatik, egitura profesionala optimizatu gura du gestioan, akademian eta sailetan.

IPARRALDEKO EGITURA HOBETU. Iparraldeko eta Hegoaldeko egituren artean dagoen «desoreka handia» konpontzeko asmoa dauka UEUk.

KALITATE ESTANDARRAK. Eskaintzen den zerbitzuaren kalitatea bermatzeko asmoz, kalitate estandar eta eredu propioak indarrean ipini gura ditu UEUk eremu hauetan: kudeaketa administratiboan, bezeroen

asetasun mailan, ikasketa curriculumen egokitasunean, ikerkuntza lerroetan eta argitalpen eta komunikazio politiketan.

IZAERA JURIDIKOA EGOKITU. UEUk bere unibertsitate nortasuna aldarrikatu gura du, eta bere titulazio mapa osatu. Orain arte, horretarako gaitasun juridikoa zeukaten erakundeek laguntzari esker lortu du ikasgai sorta eskaintzea. Horren premiarik ez izateko, bere izaera juridikoa aldatzeko lanari ekingo dio UEUk laster, nahiz eta azken erabakia Batzar Nagusiarena izan.

FINANTZAK ETA AZPIEGITURAK

AUTOFINANTZAKETA. UEUk uste du bere finantza errentagarritasuna bermatu behar duela, eta proiektuen autofinantzaketa indizeak orekatu eta hobetu behar dituela.

HEZKUNTZA ERAIKINEN SAREA. Gaur egun, UEUk egoitzak ditu Bilbon, Eibarren, Iruñean eta Baionan. Hala ere, azpiegiturak hobetu behar direla aitortu du, hiriburu guztietan egoitzaren bat izan behar duela. Batez ere Iparraldeko egoerak kezkatzen du, eta bertan egoitza txukun bat hartzea proposatu du. Gainerako hiriburuetan ere UEU presentzia indartu behar dela dio.

GARAPENA

EUSKAL CAMPUSAK SUSTATU. Elkarlan esparru era anitzetako abiapuntu gisa hartuta, UEUk euskaraz biziko diren campusak bultzatu gura ditu. Horretarako, administrazio publikoen konkurrentzia eskatzen da; unibertsitate publiko, pribatu eta konfesionalena eta erakunde euskaltzaleena. Gainera, euskal campusek eredu autozentratua landuko dute. Unibertsitate erakundeek har dezakete parte euskal campusetan: fakultateren bat ezarritik, unibertsitate eskola irekiz...

TITULAZIO MAPA GARATU. Azken urteotan UEUk eskainitako ikasketa proposamena

nabarmen hasi bada ere, eskaintza eragin-korragoa izan behar duela deritzo. Horretarako, neguko, udako eta *on-line* ikastaroak berriz aztertu behar dira.

TEKNOLOGIAK GARATU. Irakaskuntza telematikoa gero eta garrantzi handiagoa duenez, campus birtuala eta ezagutzaren ataria sortu behar direla dio UEUk, unibertsitate alorreko euskarazko ezagutza biltzeko eta eskaintzeko.

EREDU PEDAGOGIKOA. UEU gero eta erakundea handiagoa denez, bere helburu pedagogikoak eraikitze bidean bitartekoak ipini behar direla deritzo.

ARGITALPEN ZENTROA SORTU. Argitalpen politika epe luzera landu behar dela dio UEUk, eta, euskal unibertsitateek dituzten premiei erantzuteko, argitalpen zentroa sortu gura du.

IKERKUNTZA LERROAK. Gainerako unibertsitateekin elkarlanean, ikerkuntza ereduak landu behar dituela uste du UEUk.

ERABILTZAILEAK, KOMUNITATEA

BILGUNEAK. Bertoko eta diasporako euskal komunitate zientifiko-intelektualaren bilgunea indartu gura du UEUk, eta elkarlana bultzatu.

IKASLE ERABILTZAILEAK GEHITU. Ikasle-erabiltzaileen kopurua gehitu nahi du UEUk, bai neguko ikastaroetan eta bai udakoetan.

ERABILTZAILEAK GUSTURA. Erabiltzaileak UEUren barruan gustura egotea eta egiten dutenak zerbituetarako balio izatea sentitzea da UEUren helburua.

EUSKARAZKO FORMAZIO ESKAINTZA. Euskal gizartean euskarazko goi mailako eskaintza gero eta gehiago zabaldu gura du UEUk.